

周  
禮  
完  
解

周禮完解卷五

郝敬習

春官宗伯第三

宗伯禮官之長宗尊也禮以致尊也伯長也昔虞舜命伯夷作秩宗典三禮後世因謂禮官爲宗伯是書謂爲春官何也辨方正位也春東方爲生物主禮行于主人易曰帝出乎震尊主也禮莫大于祭祭莫大于郊禘冬至而郊孟春而禘周以冬至之月爲歲首郊禘皆行于春故禮官正位乎春禮樂繁盛暢遂之令也其次司徒何也古司徒掌教而周禮司徒則土

地人民財賦之司富而後教財足而後禮可行然地稱司春不稱司何也地後天而春先時天首五官春首四時故天稱冢宰春稱宗伯所以尊禮而配天也其尊禮何也禮效于天法于地施于政齊于刑五官循環謂之周禮縱橫之家尚鬼周禮尊鬼神宗五官爲伯所以崇禮也亦縱橫之意也

惟王建國辨方正位體國經野設官分職以爲民極乃立春官宗伯使帥其屬而掌邦禮以佐王和邦國

國富強而不知禮則其民好爭有禮則上下安故曰和邦國也

按鄭謂禮爲吉凶賓軍嘉據大宗伯目解之愚謂禮自天地以來唯父子君臣夫婦兄弟朋友爲五今以吉凶賓軍嘉易仁義序別信也爲杜撰而又以六官三百六十職當經禮三百安見三百六十職之通行于天下古今也故愚謂周禮非周公之書而鄭玄之識不逮何休遠矣

禮官之屬

禮官卽大宗伯屬謂小宗伯以下職七十其人共三千四百六十有九

大宗伯卿一人小宗伯中大夫二人肆師下大夫四人

上士八人，中士十有六人，旅下士三十有二人，府六人，史十有二人，胥十有二人，徒百有二十人。

肆陳也。禮以陳設爲事。

大宗伯之職，掌建邦之天神、人鬼、地示，祗之禮，以佐王，建保邦國。

天靈曰神，人靈曰鬼，地靈曰祗，示祗同治，道莫大于禮。禮莫大于祭，故大宗伯之職先焉。

按易曰：精氣爲物，游魂爲變，是故知鬼神之情狀。此言鬼神之宗也。鬼，屈也；神，伸也。大虛生人，生物，知氣變化，靈爽不測，無處無靈，爽卽無處，非鬼神祭祀者。

聖人所以盡人道。答造化也。人爲鬼神之會。惟聖人與大虛同神。故善其所以事之。事大虛之鬼神。卽事吾身之鬼神通之一理一心一事也。故子思云。鬼神之爲德。其盛矣乎。視之而弗見。聽之而弗聞。體物而不可遺。使天下之人。齊明盛服。以承祭祀。洋洋乎如在其上。如在其左右。微之顯。誠之不可揜。如此。此言鬼神之至精也。然則所謂鬼神者。豈徒天神人鬼地祇云乎。宗伯以禮佐王。和邦國。民彝物則。天常人紀。畧不及。惟以事天神人鬼地祇爲邦國首務。豈不迂哉。子云。務民之義。敬鬼神而遠之。可謂智矣。是以教

不語神。疾病不禱。問事鬼。則曰未能事人。問媚竈。則曰獲罪於天。吁。聖人之意可知。聖人以禮教天下萬世。而鬼神之事。遠而不語。則聖人所謂禮與鬼神。又可知。是豈徒天神人鬼地祇之謂鬼神。事天神人鬼地祇之謂禮而已乎。

以吉禮事邦國之鬼神。示以禮。因祀。祀昊天上帝。以實

柴。祀日月星辰。以禋。酉燎。祀司中。司命。飗。風師。雨師。以

血祭。祭社稷。五祀。五嶽。以狸。埋沈。祭山林川澤。以鬻。勞

辜。祭四方百物。以肆獻裸。享先王。以饋食。享先王。以祠。

春。享先王。以禴。夏。享先王。以嘗。秋。享先王。以烝。冬。享先

祭祀謂之吉禮者以其上古而祭祭而獲吉也鄭謂古本作告禮近是祭以告神禮何獨祭爲吉也禋煙也升煙上達以氣玄通精意之極故曰禋昊天上帝冬至圓丘之祀柴齒通詩云助我舉齒謂牲肉也實于柴上燔之使煙臭上達致陽神也辰謂一歲日月所會十二次詳見春官占夢類積薪也司中等言禋燎日月等言實牲昊天言煙祀列事于卑義全于尊也司中司命皆天神謂司中界與人命之神緯書云三台星上台司命中台司中文昌星第四亦曰司命

第五亦曰司中。風師箕星雨師畢星此祀天神三禮也。血祭殺牲取血以薦社土神。稷穀神五祀五氣之神。四時迎氣祀之于郊。五嶽東岱南衡西華北恆中。嵩。狸埋同埋玉幣牲于土祭山林也。沈沈玉幣牲于水祭川澤也。醢披牲胃也。辜磔禴也。四方百物如八蜡之類此祭地祇三禮也。肆謂迎牲薦血腥之後解折牲體而爛之以進也。獻謂獻醴薦血腥也。裸灌也。謂始祭迎尸入尸酌鬱鬯獻尸尸不飲灌之地以求神也。凡祭初裸次獻次肆次饋熟裸在室獻肆在堂。堂事畢復延尸入室饋熟尸始食祭皆有此四節。鄭

以肆獻裸為大禘。饋食為大禘。未然。禘卽是禘。以其祭始祖所自出之帝謂禘。以其合羣廟主謂禘。天子禘禘諸侯無所出之帝。但可稱禘而無禘。祠禴嘗烝。四時祭名。春物初生無以享。惟祠為主。曰祠。夏物未成。用薄祭曰禴。秋物初成。薦新曰嘗。冬物可進者衆。曰烝。此祀人鬼之六禮也。

按司中司命風師雨師。後世方士之說。象緯千百。何獨祀文昌與三台也。文昌六星。何獨祀其二。三台三星。何獨遺其一。星以大尉司徒司空名。豈其先有是官。後有是星與。誕罔甚矣。箕為風師。畢為雨師。亦附

會之說

以凶禮哀邦國之憂以喪禮哀死亡以荒禮哀凶札以弔禮哀禍哉以禴禮哀圍敗以恤禮哀寇亂

哀謂救患荒謂年饑凶札謂死亡弔慰問禍哉水火之類斂財曰禴圍敗國被圍困敗亡恤憂也外來曰寇內潰曰亂

按弔與恤兩者無別恤寇亂與禴圍敗亦相類會財以補圍敗如春秋傳諸侯會于澶淵為宋莒之類圍敗之名始于春秋故是書多後人附會

以賓禮親邦國春見曰朝夏見曰宗秋見曰覲冬見曰

遇時見曰會。殷見曰同。時聘曰問。殷覲曰覲。

賓待諸侯以賓親近也。易比之象曰：先王以建萬國。親諸侯禮之以賓，所以親之。朝，早也。宗尊也。覲，勤也。遇，偶也。時見，謂六服各有當見之時。如大行人職云：侯服歲一見，甸服二歲一見，等是也。殷衆也。謂十二載王不巡守，六服盡來見，聘，問也。覲，視也。時聘，謂六服不當朝之歲，使其卿大夫來問。殷覲，謂元年七年十一等年，侯服始來朝之歲，諸侯朝者少，皆使其臣來聘，曰殷覲。

按王制：諸侯比年一小聘，三年一大聘，五年一朝，朝。

觀會同其名雜見于詩書然未聞以春夏秋冬分朝  
宗觀遇會同者也六服遠者數千里一歲焉能四至  
于是大行人有近者一歲一見遠者六歲一見之法  
而鄭謂六服當見之歲四方四時分至朝春宗夏觀  
秋遇冬更迭而徧是皆臆見繫說王者一統臣共不  
二諸侯尊王同軌畢至然後可以明共主致朝宗之  
義參差雜越于政體不已褻乎且朝宗觀可也遇視  
豈尊王之禮曲禮朝覲行于天子會遇行于諸侯諸  
侯草野邂逅謂遇天子行幸臨御謂視豈可謂諸侯  
遇天子使陪臣視天子乎司儀職有為壇合諸侯之

說蓋後世霸主盟誓之事。緣飾以爲周公之禮。後儒轉相附會。遂以春秋書盟會遇。皆行自先王而朝覲會同。可通諸列國。故以霸主盟諸侯。諸侯朝貢。霸主皆謂周禮。名教之壞。經術之訛。其來已久。自非卓識誰敢直決其是非乎。據鄭說。春東方六服。當朝之歲。盡來朝。夏南方六服。當宗之歲。盡來宗。東西亦然。四歲六服。徧行此法也。必如是。書所云。王畿居土中。六服道里均。乃可。周世都豐鎬。西方無六服。每歲見。惟三時。諸侯徒有朝宗。遇周京。世世無覲禮矣。豈其然乎。且關中之地。距東海四五百里。以五百里一服推

之齊魯當在荒服外。世見可耳。然則是書所言有名無實。昔人謂瀆亂不驗而鄭執以爲周公大平之書。非以耳食者與。

以軍禮同邦國。大師之禮用衆也。大均之禮恤衆也。大田之禮簡衆也。大役之禮任衆也。大封之禮合衆也。

凡以禮法動衆曰軍禮。軍禮尚整齊曰同。大師謂天子六軍。禮卽伍兩卒旅師軍之節制用者。操縱惟命之意。大均謂因地制賦。因家起役。以體恤衆民也。大田謂四時田獵。教以軍法。以簡閱車徒也。大役謂版築。疏鑿之類。以任用衆力也。大封謂分封諸侯。平其

土地均其人民如大國三軍次國二軍小國一軍使  
民各事其主君各守其民以合衆也王介甫云用其  
命恤其事簡其能任其力合其志軍禮用命爲主合  
志爲終

以嘉禮親萬民以飲食之禮親宗族兄弟以昏冠之禮  
親成男女以賓射之禮親故舊朋友以饗燕之禮親四  
方之賓客以脰膾之禮親兄弟之國以賀慶之禮親異  
姓之國

嘉猶好也飲食之禮謂王者歲時宴集同姓大傳云  
綴之以食而弗別如詩棠棣有頍者弁皆以飲食親

宗族兄弟。男子二十冠。三十娶。女子十五笄。二十嫁。昏嫁親之冠笄成之賓射。天子與諸侯燕飲而射。故舊朋友。王爲世子時。所與共齒于學者。及先世耆舊老臣。皆是饗在廟。爵盈而不飲。燕在寢。爵無筭。大行人職云。上公三饗。三燕。侯伯再饗。再燕。子男一饗。一燕。皆以待來朝諸侯。祭肉生曰脰。熟曰臠。天子社稷宗廟之祭。以胙頒賜同姓。示共福祿也。贊喜曰慶。加財物曰賀。異姓王之昏姻甥舅。

以九儀之命。正邦國之位。壹命受職。再命受服。三命受位。四命受器。五命賜則。六命賜官。七命賜國。八命作牧。

九命作伯

九儀九等儀衛正位辨尊卑也命王命壹命始受王命爲正吏如王之下士及列國上士子男之大夫與府史胥徒長官自辟除者異受職始受王職事再命如王中士及列國大夫子男之卿受服受玄冕之服三命如王上士及列國之卿受位受朝列之位四命如王大夫及公之孤始備祭器曲禮云大夫有田者爲祭器是也五命王大夫出封加一命賜等則之地六命王卿賜官使得自置官屬治家邑七命王卿出封加一命賜侯伯之國八命王三公有功德加一命

爲一州諸侯牧九命王上公有功德加一命爲二伯  
分理天下如周召二公

以玉作六瑞以等邦國王執鎮圭公執桓圭侯執信圭  
伯執躬圭子執穀璧男執蒲璧

王者乾陽之精六瑞卽圭璧瑞猶寶也天子諸侯各  
寶以爲瑞等階級也雜記云凡圭廣三寸厚半寸刻  
上左右各半寸其長短各依命數王圭長尺二寸鎮  
安重也公圭長九寸桓磐桓易屯之初九磐桓利居  
貞利建侯磐礎也桓柱也取安固如柱石意侯伯圭  
七寸信伸也躬詘也伸以臨下詘以事上能詘能伸

乃可獲上治民璧形圓徑九寸中有孔曰好週邊曰肉好倍肉曰瑗肉倍好曰璧璧孔徑三寸邊肉各三寸徑共九寸穀取養蒲取柔

按雜記贊大行曰子男圭五寸則子男所執非璧也古者天子朝諸侯合五瑞圭可合璧不可合五等同爲諸侯公侯伯皆圭而子男獨璧何與鄭解子男未成國子云安見方六七十如五六十而非邦者未成國非也未成國則執圓義奚取又謂鎮瑑山桓瑑宮室信躬瑑人穀蒲瑑草稼皆以文名其說淺陋恐非先王制器之義

以禽作六摯。至以等諸臣。孤執皮帛。卿執羔。大夫執鴈。士執雉。庶人執鵞。木工商執雞。

禽飛走之通稱。摯致也。凡初相見皆有執以自致。孤謂少師少傅少保。皮虎豹皮之類。帛束帛。鄭謂束帛以皮爲飾。臆說也。羔羊也。羊不受牽。示難進也。鴈南。北。隨陽。示從君也。雉文而耿介。鵞江湖野物。雞依人爲食。庶人與工商。皆有事在官者。士以上初升。見皆以摯。王臣與列國臣。庶名同摯。同。鄭謂摯同飾。異亦臆說也。

以玉作六器。以禮天地四方。以蒼璧禮天。以黃琮禮地。

以青圭禮東方以赤璋禮南方以白琥禮西方以玄璜禮北方皆有牲幣各放其器之色

禮謂享神祭有玉帛牲以成享蒼天色黃地色四方之玉各從其色璧制見上圓象天冬至祀天也琮形八方象地夏至祀地也圭形上銳象春物初生也半圭曰璋南方用半圭夏陽半也琥刻玉爲虎形猛獸象秋氣之嚴也半璧曰璜北方用半璧冬陰半也祭四方各以四時之立日皆有牲幣亦倣其器色

以天產作陰德以中禮防之以地產作陽德以和樂防之以禮樂合天地之化百物之產以事鬼神以諧萬民

以致百物

禮樂本于天地成于中和陰陽者剛柔動靜之謂剛柔相得動靜有常則陰陽合天地泰中和致而禮樂行百昌遂而人神悅天產牲牢之類作猶養也陰德陰氣地產黍稷之類陽德陽氣陰靜無陽則消天陽也故以天產養陰然陰盛則淫聖人制禮以中防陽作之過也陽動無陰則散地陰也故以地產養陽然陽盛則驕聖人制樂以和防陰作之過也至陽赫赫非陰不斂禮主于退以陰節陽虛其盈而爲中至陰肅肅非陽不暢樂主于進以陽導陰宣其滯而爲和

中和不偏禮樂之謂也。天地變化百物生成未有違此者。百物謂祭祀百物皆天地之化。合以禮樂事鬼神和萬民則神人交悅百物之祥至矣。

凡祀大神享大鬼祭大示帥執事而卜日宿眡滌濯蒞玉鬯省牲鑊奉玉盞詔大號治其大禮詔相王之典禮。若王不與祭祀則攝位。凡大祭祀王后不與則攝而薦豆。邊徹大賓客則攝而載果。疎朝覲會同則為上相大喪亦如之。王哭諸侯亦如之。王命諸侯則儻國有大故則旅上帝及四望。王大封則先告后土乃頒祀于邦國。

都家鄉邑

大神謂天大鬼謂先王大示謂地執事謂助祭諸臣  
卜日卜吉日宿祭前一宿眠視同滌濯漑祭器涖監  
也玉圭瓚之屬鬯酒祭天地無鬯惟宗廟有之牲  
大牢鑊烹牲器玉盥玉敦以盛黍稷盥黍通在器曰  
盥大號大祝所掌神祇等六號大宗伯以詔大祝爲  
祝辭凡王親舉禮皆請大皆大宗伯治事而臨行以  
告助王也王有故不得親祭則大宗伯代立主位大  
祭祀謂郊廟外神則王后不與宗廟則后薦徹豆籩  
后有故不與亦大宗伯代大賓客謂諸侯來朝王裸  
用鬱鬯王不親酌亦大宗伯代載猶爲也凡詔禮曰

相接賓曰擯王相五人卿爲上相哭諸侯諸侯薨王  
爲位哭王以爵土策命諸侯于祖廟饋禮諸侯則代  
王爲主大故謂凶裁旅衆也陳也陳設以祭衆神四  
望爲壇位望四方名山大川祭之大封封建諸侯取  
大社土授之則大宗伯先告后土之神后土卽社頒  
祀頒常祀之禮邦國邦畿列國都家公大都鄉小都  
大夫家邑鄉邑卽都家之邑各有所當祭與禮儀皆  
頒自大宗伯

按鄭謂句龍生爲后土之官死配享于社社非后土  
如是則后土卑于社矣郊社所以祀天地后土不得

配天則所稱皇天后土謂何

小宗伯之職掌建國之神位右社稷左宗廟兆五帝於四郊四望四類亦如之兆山川丘陵墳衍各因其方

小宗伯職見前中大夫二人右左謂庫門內雉門外左右右爲陰鬼神尚右故右社稷左爲陽人道尚左故左宗廟壇壝曰兆五帝五方天神兆五帝而曰四郊者火土同于南郊也四望望祭四方嶽瀆類祭天神日月星辰風雨司中司命等亦于四郊謂之類者天象無形以氣爲類鄭謂兆日子東郊兆月與風師于西郊兆司中司命于南郊兆雨師于北郊各以氣

類爲位。日月星辰風雨。從天祀于郊。亦所謂從其類也。望者無見類者無形。故宗廟社稷亦謂類。小司徒類社稷宗廟是也。山川丘陵墳衍。謂所在。小山川有利益于民者。各因其所在祀之。

掌五禮之禁令。與其用等。辨廟祧之昭穆。辨吉凶之五服。車旗宮室之禁。掌三族之別。以辨親疏。其正室皆謂之門子。掌其政令。

五禮卽大宗伯所掌吉凶賓軍嘉五者。禁禁其違令。今守也用等器數多寡。隆殺之等。廟宗廟祧言迨遠祖也。廟次左昭右穆。父昭子穆。天子三昭三穆。與大

月禮完備 卷三  
祖廟七諸侯二昭二穆與大祖廟五天子七廟自大  
祖下二昭二穆上二爲祧廟親盡以次遷遷藏其主  
于大祖廟夾室每歲春祫禘配享吉禮五服五等諸  
侯命服凶禮五服斬衰期功總也車旗宮室如典命  
以九以七以五爲節皆依命數不得僭越三族父子  
孫人之正屬喪服小記云親親以三爲五以五爲九  
以三爲五者身以父而親祖以子而親孫則五也以  
五爲九者以祖親曾高祖以孫親曾玄孫則九也三  
族別則親疏辨正室謂適子代父當門曰門子掌其  
政令謂治其昭穆明其適庶不得以孽代宗也

毛六牲辨其名物而頒之于五官使共奉之辨六盞之名物與其用使六宮之人共奉之辨六彝之名物以待果裸將辨六尊之名物以待祭祀賓客掌衣服車旗宮室之賞賜

毛擇毛色純者六牲馬牛羊犬豕雞五官除大宗伯言五也鄭謂除大宰大宰職云贊王牲事王親牽牲安得謂天官無其奉也六盞粢盛稻粱黍稷麥菽用器各有宜使六宮之人奉者中饋婦人事也六彝盛鬱鬯之器六尊盛五齊三酒詳見司尊彝職裸將謂酌而送之凡裸饗賓客于廟亦用尊彝外則否春秋

傳曰。犧象不出門。衣服之制。見司服。車旗之制。見巾車。宮室之制。見典命。若土以賞賜諸侯。則皆小宗伯掌之。

掌四時祭祀之序事。與其禮。若國大貞。則奉玉帛以詔號。大祭祀。省牲。眡滌濯。祭之日。逆盥。省鍤。告時于王。告備于王。凡祭祀賓客。以時將瓊果。詔相祭祀之小禮。凡大禮。佐大宗伯。賜卿大夫士爵。則儉。小祭祀。掌事如大宗伯之禮。大賓客。受其將幣之齋。

天地人之祭。四時皆有之。序。謂先後次第。卜吉曰貞。貞。正也。國有大事。求正于筮龜。玉帛以禮神。號祝辭。

大祝職有神號幣號。小宗伯詔之逆盜迎絜入廟。饗  
饗在門外也。省鑊視糞肉也。時謂薦陳之早晚備饗  
具告王行事也。祭祀王用圭瓚酌鬯酒。裸尸。小宗伯  
酌送王賓客。則大宗伯代裸。小宗伯酌送大宗伯。凡  
禮王不親使攝爲小王親舉爲大賜爵以王命齋策  
賜之禮。賓曰儋。諸侯尊。大宗伯儋。卿大夫士卑。小宗  
伯儋。小祭祀王玄冕之祭。將幣之齋齋卽幣也。諸侯  
覲畢致貢享于廟庭實之物皆小宗伯受之。

若大師則帥有司而立軍社。奉主車。若軍將有事則與  
祭。有司將事于四望。若大甸則帥有司而饁獸于郊。遂

頒禽

大師起大軍有司謂軍帥與大祝軍社以齋車載社主與遷廟主于軍中賞功告祖戮罪告社軍將有事謂將交戰祭有司亦謂軍帥與大祝將事以王命祭告四方山川之神甸田通犬甸王田獵有司大司馬之屬饋于野曰籩詩云籩彼南畝獵還至郊過天神地祇壇壝以所獲禽薦之曰籩獸既籩遂入澤宮射主皮頒禽也

大裁及執事禱祠于上下神示王崩大肆以柩鬯泚米及執事泣大斂小斂帥異族而佐縣衰冠之式于路門

之外及執事。既葬，獻器，遂哭之。卜葬兆，甫窆，亦如之。既葬，詔相喪祭之禮，成葬而祭墓，爲位。凡王之會同，軍旅甸役之禱祠，肆饗爲位。國有禍，裁則亦如之。凡天地之大，裁類社稷宗廟，則爲位。凡國之大禮，佐大宗伯。凡小禮，掌事如大宗伯之儀。

大，裁水、火、荒、札之類。執事，大祝之屬。肆，陳尸于牀。王事稱大。秬鬯，黑黍釀酒。泔浴尸。執事，執二斂之事。謂大祝臨之者。小宗伯也。佐以異姓者。同姓銜衰，使疏者相助。衰，冠之式。喪服之式也。執葬器之事者。梓人，匠人之屬。既葬，省視葬具。檀弓云：既殯，甸而布材，是

也。獻器明器成，獻于殯宮門外，遂哭。小宗代王哭也。  
卜兆，卜葬域，窆穿壤，甫始也。亦如獻器哭。凡喪未葬  
前，設奠無尸。既葬，反虞以祭。易奠，士三日，三虞，大夫  
五日，五虞，諸侯七日，七虞，天子九日，九虞。明日祭，卒  
哭。又明日以吉祭。易喪祭，附主于廟。然則卒哭以前  
祭，皆喪祭也。皆小宗伯告王相禮，祔祭則大宗伯相  
禮。成葬，封丘。既成，祭墓，祭土神位，主也。肆儀，演習禮  
儀，禍哉。禱祀肆儀爲主，亦如之類。祭祀之通稱，詳前。  
肆師之職，掌立國祀之禮，以佐大宗伯立大祀，用玉帛  
牲牲立次，祀用牲幣，立小祀，用牲，以歲時序其祭祀。及

其祈珥大祭祀展犧牲繫于牢。頒于職人。凡祭祀之卜日宿爲期。詔相其禮。眡滌濯亦如之。祭之日。表齋盛。告絜。展器陳告。備及果。禱築鬻。羹相治小禮。誅其慢怠者。掌兆中廟中之禁令。凡祭祀禮成則告事畢。

肆師職。見前。下大夫四人。大宗伯之攷也。大宗伯建祀禮。其玉帛牲牲之物。邊豆簠簋之器。皆肆師立之。立。依法置立。大祀。天地宗廟。次祀。日月星辰。社稷五祀。五嶽。小祀。司中。司命。風師。雨師。山林川澤。四方百物。玉帛牲牲。禮之隆者。牲幣爲殺。牲又殺。牲體全曰牲。祈珥。祈福于神。割牲耳以薦。珥。珥通。取其聽。展。視。

也。牲色純曰犧，牧人供之。肆師展視，以付克人，使繫于牢而肥之。職作犧，置臬繫牲也。卜日，卜祭日，宿爲期。先夕期，明日上，詔相禮。詔相卜日之禮，眡滌濯，亦先夕視。明日祭，詔相其禮，表盥盛，六盥各標黍稷等名。簋有蓋，外須記識，展視祭器，陳設于堂東，乃告備具。果裸通築搗也。搗香草，糞汁和鬯酒，以裸尸也。誅責慢怠，掌禁令，皆攷之事。兆中壇場內祭百神，廟中祭先王。凡肆師所告，皆告小宗伯，以次升告王。大賓客，蒞筵几，築鬻，贊果將。大朝覲，佐儻共設匪饔之禮。饗食授祭，興祝侯，禳于疆及郊。大喪，大溲以鬯，則築

鬻令外內命婦序哭禁外內命男女之衰不中灋者且授之杖

佐儻爲承擯。匪篚通竹器。彝瓦器。王有故不親食。賓客則使大夫以侑幣致之。豆實實于饗。簋實實于篚。饗以大牢。飲實食以大牢。食實祭。豆間之祭。周人祭肺。肆師舉肺授賓。侯迎氣。禳除殃。皆小祝之職。量去王城五百里。畿界也。郊近者五十里。遠者百里。海解見前。外內命婦。公卿大夫以下諸臣之妻。居宮中屬內宰。版籍者。謂之內命婦。天官九嬪。世婦等是也。居外寮者。謂之外命婦。春官世婦等是也。序。謂服重者。

居先服輕者居後外內命男女卽公卿大夫士與其妻王喪男義服斬衰布三升半冠布六升其妻義服衰六升王喪斬衰后喪齊衰衰外削幅裳內削幅之類皆所謂法也杖謂王喪竹杖后喪桐杖服成則授杖喪大記云君喪三日子夫人杖五日旣殯授大夫世婦杖王喪宜同

凡師甸用牲于社宗則爲位類造上帝封于大神祭兵于山川亦如之凡師不功則助牽主車凡四時之大甸獵祭表貉則爲位嘗之日涖卜來歲之芟仙上之日涖卜來歲之戒社之日涖卜來歲之稼若國有大故則

今國人祭歲時之祭祀亦如之凡卿大夫之喪相其禮  
凡國之大事治其禮儀以佐宗伯凡國之小事治其禮  
儀而掌其事如宗伯之禮

師謂出征甸謂田獵皆以社主與遷廟主行有事祭  
告用牲則肆師涖位爲主類祭名造猶造門之造以  
祭達于上帝也封封土爲壇大神天地神祇祭兵于  
山川祭大軍所在之山川亦如師甸爲主也師不功  
敗績也主車載社宗二主之車助牽扶主也表立旗  
爲表貉禡通祭始爲兵蚩尤也嘗秋祭嘗新物今歲  
芟墾所獲因卜來歲之芟治田之早晚也詩云載芟

載柞其耕澤澤謂治田也秋田曰獮兵寇曰戒社秋社報答今歲之稼因卜來歲三卜皆肆師蒞之國有大故水火凶札歲時之祭丞嘗社蜡之類卿大夫之喪謂卿大夫適子有父母喪繼世爲卿大夫者相禮相其拜送賓客之類大事謂王行禮小事謂攝

鬱人下士二人府二人史一人徒八人

鬱香草未詳何物鄭謂卽本草云鬱金非也搗香草和秬黍酒裸尸宗廟之禮禮重祭祭首裸裸用鬱鬯禮官先鬱人春氣芬芳也

鬱人掌裸器凡祭祀賓客之裸事和鬱鬯以實彝而陳

之凡裸玉濯之陳之以贊裸事詔裸將之儀與其節凡  
裸事沃盥大喪之泚其肆器及葬其裸器遂理埋  
之大祭祀與量人受舉假之卒爵而飲之

裸器六彝圭瓚之屬裸玉圭瓚璋瓚也裸將酌送也  
儀節裸將之威儀節度凡裸事祭饗皆用裸也沃酌  
水也盥洗手也肆器尸將浴陳牀檀枕第夷盤之類  
葬其裸器明器埋之壙中者鄭謂遺奠之彝器恐非  
量人夏官之屬制從獻脯燔之數量者也罍卽爵義  
與噉通福也尸酢主人俗謂飲福酒卒爵而飲謂酢  
及噉人與量人

鬯人下士二人府一人史一人徒八人

鬯暢也釀秬黍爲酒氣味條暢未入旨香草者故鬯人供之

鬯人掌共秬鬯而飾之凡祭祀社壇用大罍祭門用瓢齋廟用脩凡山川四方用蜃凡裸事用概凡鬻事用散大喪之大泔設斗共其鬻鬯凡王之齊春事共其秬鬯凡王弔臨共介鬯

秬鬯無鬱和之鬯飾之飾盛鬯之器唯廟祭初亞獻用鬯搗鬱汁和之盛以彝尊酌以玉瓚他外神有酒無鬱和故無彝尊玉瓚社壇之祭盛以大罍罍瓦尊

祭管兆以祭門祭國門瓢齋匏器齋盞通盛受也廟  
用脩廟祭用鬱脩和卽司尊彝凡酒脩酌之脩郊特  
牲云醲酒沉于清汁獻沉于醲酒脩治而後用之卽  
鬱鬯也蜃蜃器地官掌蜃職祭祀共蜃器之蜃蜃脰  
也胙曰脰今之螺盃受胙飲福之器祿事宗廟祿將  
和鬱用鬯多寡有量概量也天官酒正云皆有酌數  
器量鬯辜祭四方百物小祀酌鬯用五升之散爵之  
下者以上鬯皆無鬱別其用器與彝舟圭瓚等殊也  
斗挹鬯以沃尸鬯以鬯塗尸王齋浴鬯襲其香弔臨  
弔臣喪曲禮贊天子用鬯弔則使臣爲介致鬯于死

者曰介鬯

按鄭註瓢齋之齋作齊割抵使齊脩作自中尊裸作埋尊腹有朱帶曰概無飾曰散義皆鑿

雞人下士一人史一人徒四人

司晨之官雞鳴以旦震旦為春故屬春官

雞人掌共雞牲辨其物大祭祀夜嘒旦以詔叫百官凡國之大賓客會同軍旅喪紀亦如之凡國事為期則告之時凡祭祀而禳饗共其雞牲

辨其物陽祀用騂陰祀用黝嘒將旦而呼詔叫同警使起也凡國有事請期告以旦明行事而禳四面禳

除釁如廟寢鐘鼓甲兵之類新成殺牲取血祭而塗  
之用雞則雞人供之

司尊彝下士二人府四人史二人胥二人徒二十人  
尊盛五齊三酒之器彝卽尊也以盛鬱鬯貴之故異  
其名彝夷通常也法也常求法度

司尊彝掌六尊六彝之位詔其酌辨其用與其實春祠  
夏禴裸用雞彝鳥彝皆有舟其朝如踐用兩獻尊其再  
獻用兩象尊皆有壘諸臣之所昨醑也秋嘗冬烝裸用

學彝黃彝皆有舟其朝獻用兩著尊其饋獻用兩壺尊  
皆有壘諸臣之所昨也凡四時之閒祀追享朝潮享裸

用虎彝，毀彝皆有舟，其朝踐用兩大尊，其再獻用兩山尊，皆有鬯，諸臣之所酢也。凡六彝六尊之酌，鬱齊劑獻酌醴齊縮酌，盎齊浣酌，凡酒脩酌。大喪存奠彝，大旅亦如之。

宗廟祭享，裸用彝，獻用尊，彝盛鬱鬯，尊盛齊酒。禮運曰：玄酒在室，醴醑在戶，粢醑在堂，澄酒在下，酒貴萍賤，清貴者居上，賤者居下。曰：位酌，謂獻酌縮酌之類。用謂春祠秋嘗等用，實謂鬱齊醴齊等實。雞鳥皆刻畫形象，雞主東明，故春用雞，彝朱鳥爲夏，故夏用鳥。彝承彝之盤曰舟，祭始迎尸入室，王以圭瓚，后以璋。

瓚皆酌鬱鬯獻尸尸不飲灌地所謂裸用鬯也朝踐  
朝旦所行之禮迎牲入庭延尸出堂告殺薦腥酌醴  
齊獻尸尸始飲故謂獻尊鄭云獻作犧鑿也再獻亞  
獻每獻王先后亞王獻酌獻尊后獻酌象尊象取贊  
相義后服亦謂象服詩云象服是宜兩獻尊一盛醴  
齊所謂縮酌也一盛盞齊所謂沉酌也王用之兩象  
尊亦然后用之朝踐主王再獻主后義互備也鬯大  
尊刻畫雲霧紋以盛凡酒者所謂脩酌也皆有鬯謂  
朝踐再獻之尊各有鬯盛凡酒貳之諸臣謂助祭之  
賓客及兄弟輩昨酢通諸臣助獻用尊之醴齊盞齊

諸臣受神酢用鬯之凡酒。鬯取雷同雷聞百里百里  
爲同。臣非一人。酢非一舉。同鬯也。鬯。嘏也。刻畫稼文  
古者以宜稼爲福祥。嘏。辭云。宜稼于田。受祿于天。故  
嘏謂稼。刻其文于彝。上稼秋成。秋祭用之。黃土色。冬  
百昌歸土。故彝用黃。猶大蜡用黃冠黃衣也。朝獻卽  
朝踐。著尊。尊者地順。土氣不用。祭明著在外。象陽王  
用之也。饋獻卽再獻。后職中饋。曰饋。獻。壺。瓠通尊。壺  
形。取子在中。順冬藏象。陰后用之也。閒祀。雜祭。小祀  
追享。追死者享之。亦閒祀。朝享。來朝賓客。享皆有裸  
有朝踐。有再獻。有諸臣之酢。六享。裸獻。酢醴酒皆同。

而羸尊異虎爲百獸長。易曰：大人虎變。王禛用之。雖  
虺屬陰物。詩云：唯虺唯蛇。女子之祥。后裸用之。六酌  
酌酒醴之法。鬱齊鬱香所和。齊酒既縮。其糟沉以香  
汁。遂獻之。不更縮。茅沉水曰獻酌。卽六彝所盛。用以  
爲裸者。鄭謂獻作莎。摩莎鬱金汁。鑿也。醴齊。糟初成  
最濁。用茅縮下其汁。乃酌。卽朝踐之尊也。盎齊。汁滿  
糟浮。盎然濃厚。以明水沉和而後可酌。卽再獻之尊  
也。凡酒謂五齊。旣成酒者。卽酒正所謂三酒脩和也。  
皆以水脩和。示反本也。郊特牲云：明清與醲酒于舊  
澤之酒。卽諸臣所酢之鬯也。齊雖有五醴。盎該之酒。

雖有三凡酒該之註疏瑣冗大喪謂王喪未葬以前  
殷奠皆設彝存省視也犬旅遇茲祭天地山川羣神  
旅衆也宗伯職云國有大故則旅上帝及四望用彝  
器亦存視

按此節之義鄭註殊未曉暢

司几筵下士二人府二人史一人徒八人

凭曰几饌曰筵筵卽席古者席地延賓故謂筵

司几筵掌五几五席之名物辨其用與其位凡大朝覲  
大饗射凡封國命諸侯王位設黼依依前南鄉設莞筵  
紛純加緹席畫純加次席黼純左右玉几祀先王昨酢

席亦如之。諸侯祭祀席蒲筵，績純加莞席，紛純。右彫几，昨席莞筵，紛純加縹席，畫純筵。國賓于牖前，亦如之。左彫几，甸役則設熊席，右漆几。凡喪事設葦席，右素几。其柏席用萑。完黼純，諸侯則紛純，每敦一几。凡吉事變几，凶事仍几。

五几，玉彫彤漆素五席。葦蒲縹熊次，多莞萑莞卽蒲。萑卽葦也。用若祭若賓之類。位若廟若朝之類。大朝覲，謂會同。大饗，饗賓客于廟。大射，天子與諸侯羣臣射。封國分封諸侯，命諸侯，諸侯繼世來見，錫命及加命之類。王位，王所立之位。黼，黑白繡文，依制如屏。王

依以立莞筵。細蒲席。紛雜色。綬緣邊。曰純。加加莞筵。上縹藻通。織五采文。裊爲席。畫繒緣邊也。次席。虎皮爲席。次。伏同。勇貌。以白黑文繡爲緣。左右玉几。優至尊也。祀先王設神席也。昨席。王酌尸。尸酢王。布席戶內。西向受酢。其席几如朝饗也。諸侯祭祀亦謂神席。蒲筵。蒲草席。下迫地。績畫也。細蒲曰莞。彤几。几有刻紋。一几居右。神道尚右也。筵。國賓。王養國老之席。牖前。廟室。牖前堂中南向形。朱色。左几。文事尚左。甸。役。王田獵。熊席。熊皮爲席。漆几。黑色。右几。武事尚右。凡喪事。奠用席。蘆曰葦。素几。白木几。柏席。喪主香火之。

席柏香可焚曰柏席。崔細葦王黼純諸侯紛純爲別。敦焚柏器几以安主。故一敦用一几。鄭謂柏作柳。敦作燾。鑿也。吉事祭享之類。變几用新。凶事喪事仍用生者舊几。若孝子瘠毀亦不得僇新几。

按諸侯酢席美于神席。禮未宜而疏以莞席清潔爲解。甚牽強。次席先鄭註虎皮。近是。後鄭註桃枝席。次列成文。然則編蒲葦無列次乎。次飲同。後世虎賁名飲飛。飲勇力貌。今人捷疾謂之造次。虎皮褥謂鞞。比比卽次。臯囊通包裹也。比皮通樂記。武王克商。倒載干戈。包以虎皮。詩云。嗟行之人。胡不比焉。人無兄弟。

月祀字彙 卷三 三十一  
胡不飲焉。比次皆親近護助。意以虎皮爲次席。猶以  
虎賁爲綴衣也。

天府上士一人中士二人府四人史二人胥二人徒二  
十人

掌藏國重器稱天以尊其藏

天府掌祖廟之守藏與其禁令。凡國之玉鎮大寶器藏  
焉。若有大祭大喪則出而陳之。既事藏之。凡官府鄉州  
及都鄙之治中受而藏之。以詔王察羣吏之治。上春釁  
寶鎮及寶器。凡吉凶之事。祖廟之中沃盥執燭。季冬陳  
玉以貞來歲之微惡。若遷寶則奉之。若祭天之司民司

祿而獻民數穀數則受而藏之

凡王者世守寶器藏于始祖廟曰天府。玉鑊玉器之最重者。猶王圭曰鎮圭也。大寶器如周赤刀。天球之類。治中百官所上計簿皆合經制曰治中。藏于天府者。孟子謂寶土地人民政事也。上春孟春釁取牲血塗祭。彌菑釁也。凶事在廟者如大喪。樞朝廟曰創祖。奠厥明。大遣奠皆有沃盥。昧爽行事。天府士爲之執燭。貞正也。疑事正于著龜。從曰貞。陳王禮神如圭璧之類。遷寶有事改藏奉寶器以遷。司命司祿皆天神。軒轅十七星。如龍角曰大民。小民文昌宮六星。第

禮記卷五  
三六  
六曰司祿又三台星下台亦曰司祿每歲孟冬祭二  
神則獻天下民與年穀之數王受而藏之天府獻則  
小司寇也

典瑞中士二人府二人史二人胥一人徒十人

瑞天子之符瑞大圭之類典守也今之尚寶司

典瑞掌玉瑞玉器之藏辨其名物與其用事設其服飾  
人執曰瑞鎮圭之類禮神曰器四圭之類名以命之  
物以別之用事朝日之類服飾藉玉以纁或襲或褻  
如衣服也

王晉大圭執鎮圭纁藻藉五采五就以朝日公執桓圭

侯執信

仲

圭伯執躬圭，繅皆三采，三就于執。穀璧，男執

蒲璧，繅皆二采，再就。以朝，覲宗，遇會同于王，諸侯相見

亦如之。瑑

篆

圭璋璧琮，繅皆二采，一就以覘聘。

接見曰晉，晉進也。行禮從容漸進，大圭長三尺，天子所佩也。手曰執，鎮圭長尺二寸，繅藉以文，繪承圭，璧執之。五采五就，謂五色相間，遞而復始爲一就。五就五五二十五行，成就一繅。朝日，卽玉藻云玄端朝日于東門外，覲禮云春拜日于東門外是也。桓信等圭，解見大宗伯。瑑，篆刻爲文。瑑圭璋璧琮，殊于桓信等圭。璧，彼諸侯親覲，天子用之。此使臣聘問，天子用之。

也。圭以覲聘，天子享用璋，璧以覲聘，王后享用琮，子男聘天子亦璧矣。璪，纁二采一就，與子男異。子男纁二采成二行，璪纁二采共一行，行小文，禼臣與君之辨。

按鄭解玉藻，天子摠珽，以大圭爲玉笏也。天子笏用玉，而大圭非笏。笏度二尺六寸，大圭長三尺，笏有事則摠，無事則執。大圭常摠不可執，故考工記玉人云：天子服之不言執之也。此云晉蓋朝日之名，易象日出地上爲晉，行禮從容有漸，如日之升。夏官田僕云：諸侯晉與摠珽之摠異，言天子晉接諸侯，佩服大圭。

也

四圭有邸以祀天旅上帝兩圭有邸以祀地旅四望裸圭有瓚以肆先王以裸賓客圭璧以祀日月星辰璋邸射以祀山川以造贈賓客

四圭等皆禮神之器非用執也邸底同下跌曰邸四圭合四成一下著邸無邸不可合鄭謂邸卽璧恐非祀天用四圭象四時上帝卽天神旅衆也大哉則旅天帝有五以象五氣曰旅非一之辭祭地兩圭陰用半以象偶望祭四方嶽瀆亦地類裸圭瓚柄用圭瓚如槃盛鬯鬯裸地者也肆陳設詩云相予肆祀大饗

賓于廟，裸賓客，亦用圭瓚。圭，璧單圭。璧，以祀日月星辰。禮殺于天地。半圭曰璋。璋，挾有邸，乃可奠射。貫也。貫于邸，防傾也。造贈，往贈也。

土圭，以致四時。日月，封國。則以土地。珍圭，以徵守。以恤凶荒。牙璋，以起軍旅。以治兵守。璧，美以起度。黼圭，璧琮，瓊瓚之渠眉。疏璧琮，以斂尸。穀圭，以和難。以聘女。琬圭，以治德。以結好。琰圭，以易行。以除慝。大祭祀，大旅。凡賓客之事，共其玉器而奉之。大喪，共飯玉。含玉，贈玉。凡玉器出，則共奉之。

土圭，見大司徒職。以玉爲圭，長尺有五寸。夏至日午。

度表景求地中者也。致四時日月度景至不至，以知寒暑晝夜之候。土地土其地，日景每千里差一寸，百里差一分。封國無過五百里，度景長短以知封域之遠近。珍，軫也。分別意，故以徵召防守。又珍，軫也。憂慮意，故以賑恤凶荒。牙璋，半圭，刻文爲齒牙。齒，牙象兵也。故以起軍出征。以治兵防守。璧，徑九寸，周圍如一，不盡圓。曰美，美餘也。殺其兩旁，使上下稍餘，蓋直尺而橫八寸。如今腰樣，以起度。以直一尺起，則十尺爲丈，十丈爲引，以橫八寸起，則八寸爲尺，八尺爲尋，倍尋爲常。考璧，美則五度信矣。駟市僧之稱，考工記王

入有駟琮以爲權鼻寸半。駟琮有孔以貫組縣琮而爲權。圭等六玉解見大宗伯以祀天地四方人死全歸故斂尸用之皆有溝文繫組曰渠渠畔高起曰眉亦如駟琮之有鼻故謂之駟。鄭謂駟作組疏通也。開也。疏璧琮貫璧于首貫琮于末貫圭璋琥璜于中象天地之包四時也。穀圭圭刻粟文穀善也故以和難聘女琬圭圭剋去棱角德以渾圓爲至故以表德結好琰圭圭剋其末有觚棱象斷割故以責改行除姦。慝飯玉碎玉雜米以飯尸。含玉爲小器含尸口內雜記云含者執璧贈玉送死納之壙中凡玉器出如使

臣執圭出使之類皆典瑞供以奉于使者

典命。中士二人。府二人。史二人。胥一人。徒十人。

命。謂百官爵秩之等。升陟皆王命。

典命。掌諸侯之五儀。諸臣之五等之命。

儀。謂禮節。五儀。五等。諸侯之儀節。諸臣。列國諸臣。五等之命。謂四命。三命。再命。一命。不命也。

上公九命。爲伯。其國家宮室車旗衣服禮儀皆以九爲節。侯伯七命。其國家宮室車旗衣服禮儀皆以七爲節。子男五命。其國家宮室車旗衣服禮儀皆以五爲節。

此外諸侯五儀。天子之公八命。有功德出封加一命。

爲上公伯諸侯之長如周召二伯國家謂城邑以九  
爲節如城方九里宮方九百步貳車九乘建常九旂  
冕服九章桓圭九寸樊纓九就介九人禮九牢賓主  
之間九十步之類卽禮儀也自公而下降殺以兩  
王之三公八命其卿六命其大夫四命及其出封皆加  
一等其國家宮室車旗衣服禮儀亦如之

此王臣之命數外諸侯遠于天子各成爲君故命數  
用奇從陽也王臣在內近天子不得伸其尊故命數  
用偶從陰也不言孤者天子之孤與卿同六命也孤  
卽卿之兼官卿上大夫四命下大夫也三公出封則

九命爲牧伯，卿出封，則七命爲侯伯，大夫出封，則五命爲子男，故曰皆加一等，不言士，士卑無封，以此推之，王之上士三命，中士再命，下士一命也。

凡諸侯之適子誓於天子，攝其君，則下其君之禮一等，未誓，則以皮帛繼子男。

此諸侯世子之禮儀，適子，卽世子，繼世者也，誓，盟誓，諸侯立世子，天子命而誓之，以明不易也，攝君代其君來朝，下其君之禮一等，如公之子，執侯伯之圭，侯伯之子，執子男之璧，子男之子，與凡未誓者，執孤之皮帛，繼子男後，大宗伯六摯，孤執皮帛。

按諸侯在而立世子請命于天子天子命之示不易也齊桓公葵丘之盟曰無易樹子王者所以明有宗正世統禮也若天子與諸侯之子誓以明不易豈教人臣子忠君孝親唯命是從之義五霸無王專以盟誓相要脅雖弑君之臣賊父之子既盟則人莫敢問變寇崇姦所以大亂其始也諸侯之子挾天子要諸侯周禮典命之誓是也比其終天子之子亦挾諸侯以要天子春秋首止之盟是也故禮爲可訓非禮之禮大人弗爲

公之孤四命以皮帛眡小國之君其卿三命其大夫再

命其士壹命其宮室車旗衣服禮儀各祗其命之數侯伯之卿大夫士亦如之子男之卿再命其大夫壹命其士不命其宮室車旗衣服禮儀各祗其命之數

此侯國諸臣之命數凡諸侯之臣各半其君之命數而弱故上公九命其臣置孤卿一人則四命與天子之大夫同來聘天子則擊皮帛以繼子男後與天子孤之擊同其卿與大夫士皆以次降一等侯伯之卿大夫士亦如公之卿大夫士但侯伯自大夫上不得置孤蓋侯伯七命其臣半君之命數而弱故其卿亦三命大夫亦再命士亦壹命與公同也子男五命其

臣半君之命數而弱。故卿止再命。大夫壹命。士不命也。

按王制。大國三卿。命于天子。次國三卿。其二命于天子。其一命于君。小國二卿。皆命于其君。三等之國。皆五大夫。二十七士。皆其君自命。若是則天下之官。命之天子者。三十分之一耳。卿大夫重秩也。無王命而可謂卿大夫乎。此衰世僭亂之事。王制訛承。當以此書之言爲近。天子總理人羣。制五等九儀。以辨名正位。大一統也。外制公侯伯子男。內序卿大夫士。設官分職。雖有千百。其命唯九。命雖有九。以天子視之。皆

王臣以諸侯相視，非其臣不得相統。故在外則各君其國，在內則共戴一人。同列相視，大小相維，講信脩睦，比肩以奉一人，無小役大，弱役強之事。王道衰，五霸憑陵，假五等九儀之名，以挾制同類。故管仲伐楚，曰：先王命我，太公履五侯九伯，實征之。魯叔孫婁欲媚與邾大夫，坐則曰：列國之卿當小國之君，臧孫欲媚晉使，則曰：次國之上卿當大國之中，中當其下，下當其上，大夫小國之上卿當大國之下卿，中當其上，大夫下當其下。大夫漢博士引以爲王制，口實相承，由來已久。夫禮莫大于君臣，名莫大于事使，爲之君者

為之臣不為之君者不為臣。古今通誼也。先王以五等制列辟。非以五等遞相為臣。故大國之卿雖與小國之君命數相亞。而君臣之分不相及。為大國者豈得謂彼君即我臣。為小國者豈得謂彼臣即我君乎。五霸假王命。要挾友邦。世儒遂謂諸侯有相朝之禮。小國有事大之義。此說春秋者。所以背理拂經。解禮者。長寇齋盜。世運理亂。王霸升降。始此不可不辨。司服中士二人。府二人。史二人。胥一人。徒十人。掌貴賤之命服。服以命異。故次典命。

司服掌王之吉凶衣服。辨其名物。與其用事。

用事謂祭祀朝甸凶弔之事

王之吉服祀昊天上帝則服大裘而冕祀五帝亦如之  
享先王則衮冕享先公饗射則鷩冕祀四望山川則毳  
冕祭社稷五祀則希冕祭羣小祀則玄冕

吉服祭服祀昊天上帝謂冬至圜丘之祭大裘裘不  
裼者以羔皮爲裘而無表責質也冕弁上加板爲延  
前後重旒前低後昂狀僂冕僂也鄭謂大裘之冕無  
旒難信五帝五方天帝四時迎氣祭于四郊中央之  
帝土氣從火拜祭于南郊也如之亦大裘冕先王謂  
大王以下至文武畫龍于衣其狀衮然曰衮披衮衣

而戴冕曰衮冕先公后稷以下至祖妣饗饗賓鷩雉屬繡于衣鷩冕鷩衣而戴冕四望望祭四方嶽瀆名山大川蟲獸細毛者繡其形于衣五祀五行用切于民者門竈之屬希少文也羣小祀百物之祭玄玄衣無文繡蓋禮大服盛禮小飾簡禮至無以加還反朴此衮冕所以通降大裘所以先衮也

按鄭玄云書曰予觀古人之象日月星辰山龍華蟲作績宗彝藻火粉米黼黻希繡此古天子冕服十二章華蟲五色蟲希讀為絺王者相變至周以日月星辰畫于旌旗所謂三辰旂旗昭其明也而冕服九章

登龍于山登火于宗彝尊其神明也初一日龍次二  
曰山次三曰華蟲次四曰火次五曰宗彝皆畫以爲  
續次六曰藻次七曰粉米次八曰黼次九曰黻皆絺  
以爲繡袞之衣五章裳四章凡九也鷩畫以雉謂華  
蟲也其衣三章裳四章凡七也毳畫虎雉謂宗彝也  
其衣三章裳二章凡五也緹刺粉米無畫其衣一章  
裳二章凡三也玄衣無文裳刺黻而已此上皆鄭註  
據典命職衣服各以命數故援虞書創爲九章之說  
自漢至今學者從之其實牽強不合與此節義之可  
疑非一端今畧舉之按虞書舜欲觀古人之象日月

星辰山龍華蟲七者皆以作繪于宗廟之彝此器之象也藻火粉米黼黻六者皆以薄繪刺繡成五采施五色作服此服之章也兩項各別文義甚明古人制器以象日月七者所謂觀古人之象也正服以色藻火六者所謂章施于五色也象言形色言彩今鄭混兩段通作衣服可疑一宗彝既與山龍華蟲爲五繪于衣則當云宗彝作繪何乃云作會宗彝是作會自爲句宗彝本與藻火等同繡而繪止華蟲以上數者今以宗彝爲句強屬上爲衣強繡爲繪文義不類可疑二卽如其說數何但九一日二月三星辰四山五

龍六華。七蟲。八虎。九雉。十藻。十一火。十二粉。十三米。十四黼。十五黻。歷歷分明。今合華蟲爲一作雉。雉未聞名華蟲也。鳥羽華彩者何獨雉。古文花作華。如皇華棠棣之華。謂草木之花耳。蟲謂蟲蛾。本兩物。今併作雉。以求合鷩冕可疑三。粉形片。米形粒。亦兩物。今併粉米爲一。作米解。可疑四。白黑曰黼。青黑曰黻。本皆色。今謂黼爲斧形。黻爲兩已相亞。以湊成十二。與九章之物可疑五。宗彝旣爲虎雉。則虎彝。雉彝。兩器也。畫于衣。則一虎一雉。兩物也。今併爲一物。以合衣五之數。可疑六。凡繪葛細薄。皆可稱締。刺繡用締。卽

今方目紗冕衣各章皆用。今以希冕之希改從絺。豈他冕衣繡不用絺邪。不然何以別可疑七。據書十有五章。今削其三。謂王者相變。移日月星辰于旗。引左傳三辰旂旗爲證。然龍亦爲旂。虎亦爲旗。龍虎旣不以旂旗廢衣裳。尙獨日月星辰不然。可疑八。卽如所云。去其三。尙存十有二。今又合華蟲爲一。虎雉爲一。粉米爲一。強縮十二。退合九。其實不合也。可疑九。必如其說。九章次第。猶當仍舊。今移龍先山。以合衮。移火先宗彝。以合毳。顛倒舊章。可疑十。宗彝者。宗廟之彝。尊罍之屬。虎雉其文耳。旣取以爲章。卽畫宗彝可。

也。何爲舍羴畫羴上之虎雌。如虎雌卽羴。書何不直云虎雌。乃云宗羴可疑十一。尊羴有六。自虎雌外。有雉羴。有鳥羴。有犖羴。黃羴。今何據必知此羴爲虎雌。不爲雞鳥之類可疑十二。或曰。以羴冕知之。夫虎毛則羴矣。雌之爲羴未明也。或曰。雌卽虺。虺屬果爾。則鱗蟲何以爲羴。必如疏云。似猿猴。岐尾。印鼻。天雨掛樹。以尾塞鼻者。則異獸也。古聖取象。貴人常見。如雉鳩。鳩鳩之類。必不以山海奇怪之物。繪爲法服。謂爲虺者。近是。謂似猿者。強附毛獸。以成其爲羴耳。可疑十三。據其說。冕服五等。衣數用奇。裳數用偶。袞冕九

章衣五龍山雉火宗彝皆畫裳四藻粉米黼黻皆繡  
鷩冕七章衣三減龍山起宗彝皆畫裳四章與衮裳  
同皆繡鷩冕五章衣三減龍山雉火起宗彝而升裳  
之藻粉米于衣爲三皆畫裳二章黼黻皆繡絺冕三  
章衣一以絺繡粉米不畫爲粉米無采可畫也裳二  
繡黼黻與鷩裳同玄冕二章衣玄無章裳二章繡黼  
黻與鷩絺裳同凡此五服衣裳畫繡多寡損益皆無  
義理衣何以畫裳何以繡謂衣爲陽裳爲陰畫陽功  
繡陰功乎而繪帛本皆陰功也衣裳又何無別且衣  
旣畫矣希衣之粉米獨繡以附合絺繡爲絺冕是衣

又有不畫者可疑十四。書本謂器不可繡，故繪服不可畫，故繡義各攸當。今以畫爲衣，繡爲裳，衣之用貴于裳，而畫之工簡于繡，貴者畫，賤者及繡，于義不倫。可疑十五。旣謂上衣下裳，上畫下繡，上衣象天下裳象地，則章物宜各有定局，豈可以裳之章又升爲衣？參差雜越，轉移不定，何稱章服？可疑十六。旣裳以次升補衣爲重衣也，重衣則裳可殺，衣不可殺，玄冕無章，去裳可也。衣旣無章，則裳宜從衣，今裳黼黻而衣反玄，旣云衣爲陽，裳爲陰，陰有章而陽無章，不舛戾乎？可疑十七。凡此皆援虞書以舜言爲據，而不達其

辭。又牽是書。假周公附會。而不折諸理。耳食相承。習而不察。其來已久。禮祀昊天上帝。于冬至。寒故用裘。大裘者。取至敬無文之義。故大禮無節。大樂無音。不車不飾。大羹不和。大圭不瑑。大裘不裼。凡裘皮上有單衣爲表。曰裼。不裼袒皮。是名大裘。作者將以是爲無文之敬。抑不思天子舉大禮祀昊天上帝。而躬僕隸之衣。以爲至敬。且首垂旒藻。身披羊皮。是何法服。解者心疑大裘冕旒之不稱。乃爲無旒之說。則近于嬉。又心疑大裘之過野。乃爲襲衮之說。則又何以異于裘冕乎。不得其說。強求通深信。以爲周公之書。而

終不敢質其妄可怪也。卽如其說冬至祀上帝大裘冕可也。又曰祀五帝亦如之。然則夏暑秋陽祀赤黃白三帝皆著大裘乎。如謂用于冬不用於春夏秋則所謂五帝者皆祀于冬乎。皆不可解。冕服九章自公至大夫皆以兩降。獨公不降。與天子同衮冕。夫公雖貴豈獨非臣解者爲降龍之說以別于天子。而詩書無明訓可疑。十八先公先王生有貴賤死則同爲祖考。今云衮冕獨祀先王而先公降等。于義奚取。然則先公先王必分祀乃可有如禘祫合食從先王之冕乎。則先公不安從先公之冕乎。則先王以爲慢已也。

禘禘必于太祖廟太祖后稷本諸侯其必從先公之冕矣禮則禘禘爲大服則禘禘及輕可乎昔夫子謂周公成文之德上祀先公以天子之禮夫天子之禮卽衮冕也然則事先公與先王本同何得有鷩冕祭先公之說可疑十九謂大饗賓客于廟用冕可也若射未聞有射于祖者拾臂彎弓審固求中而垂旒蔽其目黈纁塞其耳于事不類故司馬射人掌射位于朝朝服用皮弁則是不專用鷩冕也如必用鷩冕是冕又不獨在廟矣可疑二十夫人主所重莫如社稷論民生之初先祖考而社稷輕論人主之貴先有社

稷而後得享祀祖考故孟子云民爲重社稷次之君  
爲輕無社稷是無九廟天子社稷則四海之大神州  
赤縣之重非一都一邑耳故大社與大廟并列賞于  
廟戮于社兩主并重今社稷之服比宗廟降二等比  
先王降三等先王用袞冕社稷僅與四命之陪臣同  
服可乎可疑二十一且祭雖有六天子爲主則同鬼  
神有大小禮有加損天子之貴不易今殺鬼神之神  
并殺天子之服何居作者意以王備五冕取上兼下  
之義於是削天子之等威下祀羣神用侯伯之鷩冕  
上祀先公不思天子先公與侯伯之先公異而降用

侯伯之服又何以別于侯伯之祭乎用子男之毳冕以祀山川用孤之希冕以祀社稷五祀天子之山川社稷五祀與子男孤之山川社稷五祀異而用子男孤之服又何以別于子男孤之祭乎所祭非所服所服非所祭可疑二十二前可疑者十七鄭之鑿說後可疑者五則是書之屬也作者既屢解者不辨其屢讀者習屢爲眞反疑辨眞者爲屢獨何與夫衮冕之說舊矣鷩冕希冕不見于詩書毳冕則有之詩云大車檻檻毳衣如茨則所謂毳冕者蓋冕而畫獸于衣耳鷩衣畫鳥可知希殺于二冕而尊于玄冕其爲少

文之義又可知。大抵衣有龍文曰衮，鳥文曰鷩，獸文曰毳，雜文曰希。無文曰玄。義曉然易見。苦爲鄭說牽強附合。遂艱深不可解。若鄭氏者可謂入海算沙。心勞日拙矣。

凡兵事，韋弁服。眡朝，則皮弁服。凡甸冠弁服。凡凶事，服弁服。凡弔事，弁經服。

上五冕，此敘五弁。弁，大也。制大于冠。古冠止撮髮。弁下覆額。詩云：有頍者弁。頍，覆額貌。韋，去毛熟皮。以爲弁。兜鍪之類，兼以爲衣裳。春秋傳：晉卻至衣韎。韎，赤色。跗注，跗，猶足也。注，屬也。俗謂戰裙皮甲之類。韎，赤色。

衣禽獸之革以象殺。示武蔽石矢也。皮弁以皮爲質而飾以采玉。非純用皮也。弁制義起。故宜皮。其服則緇衣也。甸田獵冠弁。卽爵弁。以繪帛爲之。古冠制小。用緇布玄纒。後世用爲弁。故曰冠弁。明與韋皮異。猶冕之言弁冕也。曾子問云。尸弁冕而出。鄭謂爲委貌。非也。委貌冠耳。弁與冠異。凡凶事謂大喪荒札。大喪則喪弁喪服。荒札則素弁素服。弔事弔臣喪弁。謂冠弁。經謂以麻爲小首經如環。加弁上。檀弓曰。天子之哭諸侯也。爵弁經。其服則錫總。疑衰。若未小斂則素衣。

按皮弁次于冕無延旒有衡筭統懸瑱皮爲質飾以文玉不主皮也蓋首服之華而貴者故以視朝詩云克耳秀瑩會弁如星是也鄭謂皮弁用白鹿皮爲之則是用素皮也疏謂衣色從冠鬋色從裳裳色從鞞皮弁以十五升白布爲裳則是皮弁服純素也凶主素吉主玄古今宜同視朝吉事而衣冠純素非也天子無日不視朝無日不皮弁則是天子終年素衣冠天子素則公卿大夫無列采吉月而舉朝縞素有是事乎鄭又謂諸侯相聘亦用皮弁服則是諸侯相遇皆素衣冠也何爲其然說者謂殷人尚白惟大事日

中之類耳。未聞尚白衣冠也。周人尚赤，豈以所勝色爲禮服乎？以冠禮考之，皮弁衣亦玄端玄裳，有時素積素鞞，以事偶用，素非吉服。詳見儀禮禮記諸篇。鄭又謂冕服獨用于廟，按聘禮天子受諸侯朝覲，賓客聘享皆于廟，皆皮弁服。司馬射人掌射位在朝而射，用鷩冕。是冕亦用于朝也。尚書顧命，康王卽位于南門內朝，麻冕黼裳，卿士邦君皆麻冕纁裳，執事諸臣戴冕立于堂階者五人，皆在朝也。又司馬節服氏朝覲服衮冕六人，繼王之大常。禮記曾子問云：諸侯適天子，告于祖，奠于廟，冕而出視朝，則冕何嘗不用于

朝乎王者建邦宅中故朝居中廟左社右廟社雖重皆依于朝天子之體統莫尊于朝今云受覲受享止于廟則中朝爲虛位而大禮皆左次冕旒華衮惟以拜掃祖考之庭爲人子孫脩家政耳何以稱無上之尊爲天子之元服乎故謂受覲于廟而冕衣主祀者亦不盡然也古者田事所以講武武宜戎服故詩云韎韐有奭以作六師春秋傳衛獻公射鴻于圃不釋皮冠孟子謂齊景公田召虞人以皮冠田獵用皮冠卽所謂戎事之韋弁今云甸事冠弁服而鄭玄遂以委貌釋之委貌固不可爲弁而冠弁亦不可習武或

此文有誤與不然則是書亦杜撰耳

凡喪爲天王斬衰爲王后齊衰王爲三公六卿錫衰爲諸侯緦衰爲大夫士疑衰其首服皆弁經大札大荒大裁素服

此喪服之制臣喪君猶喪父服斬衰三年君妻猶母服齊衰不杖期年君爲臣弔則衰錫滑澤也緦絲通細麻布錫者十五升去其半有事其布無事其縷緦亦十五升去其半有事其縷無事其布十五升半六百縷也事洗治也鄭云無事其縷哀在內無事其布哀在外三公六卿內臣故不治布諸侯外臣故不治

縷大夫士。王大夫士分疎賤故。但用疑衰。疑似也。布之精者十五升。千二百縷。以爲朝服。其疑衰布十四升。畧稀。故曰疑。弁經加環。經于冠。弁上大札。民疫死。大荒饑饉。大裁水火。素服白衣冠。卽下節齊服素端之類。

公之服自衮冕而下。如王之服。侯伯之服自鷩冕而下。如公之服。子男之服自毳冕而下。如侯伯之服。孤之服自希冕而下。如子男之服。卿大夫之服自玄冕而下。如孤之服。其凶服加以大功小功。士之服自皮弁而下。如大夫之服。其凶服亦如之。其齊儻上服有玄端素端。

此吉凶服之等。五冕見上。上公九命。故服備九章。但不得用天子大裘。而衮以下同也。侯伯七命。衣七章。不得用衮。自鷩冕華蟲以下。與公同。子男五命。衣五章。不得用鷩。自毳冕宗彝以下。與侯伯同。公之孤。四命。不得用毳。自絺冕以下。用絺繡粉米。與子男同。卿三命。大夫再命。不得用絺。但玄冕耳。其繡黼黻于裳。與孤同。凶服謂喪服。天子諸侯。自旁期以下。絕無服。卿大夫。期以下。加大小功。皆降等。無總服。此諸侯卿大夫吉凶服之制也。諸侯之士。一命以下。玄冕亦不得用。其助祭于君廟。但自皮弁而下。至于玄冠。與大

夫同其喪服亦如大夫大功小功而無降等齊服卽上節遇札荒之素服戒懼祈禱則齋玄端以吉齋素端以凶齋端正也禮衣尚方正曰端鄭謂袂侈與衣等方然則莫如裳何獨于袂取端義

按冕服止大夫士惟皮弁服雜記亦云士弁而祭于公禮器云冕旒之數士三是士亦得用冕也又云天子龍袞諸侯黼大夫士黻士玄衣纁裳與此文不合據此文公以下諸臣有貴賤服有差等上得兼下下不得并上然何獨公之服得與天子等豈袞冕之上有大裘爲別與然大裘不在九章內非常御之服而

袞則朝享皆用章數窮于九上公擅其極矣何得以無文之大裘兼此五冕假使王不郊天在廟在朝與公何別然則是書之意非如鄭玄所謂九章起于龍明矣必如鄭說日月星辰仍當在大裘上乃可以兼龍袞而後天子與三公別夏官節服氏服大裘送逆郊以三公所不敢服者下士又得服之皆可疑大抵禮家言雜而多端是書之說昔人謂為瀆亂不驗讀者不可無卓識也

凡大祭祀大賓客共其衣服而奉之大喪共其復衣服斂衣服奠衣服獻衣服皆掌其陳序

共供王衣服卽冕弁等服奉奉王復衣服始死招魂之衣服斂多用祭服天子百二十稱奠衣服冕坐上之衣服厥藏也死者遺衣服藏之寢廟以待祭祀授尸卽下守祧所掌鄭謂爲明器之衣恐非

典祀中士二人下士四人府二人史二人胥四人徒四  
十人

典猶守也

典祀掌外祀之兆守皆有域掌其禁令若以時祭祀則帥其屬而脩除徵役于司隸而役之及祭帥其屬而守其厲禁而蹕之

外祀如小宗伯所謂四郊四望祭社稷山川等皆有壇位曰兆周垣曰域典祀掌之司隸秋官之屬主羣隸供役使者厲謂遮列使人不得入蹕止行也

守祧

挑

奄八人女祧每廟二人奚四人

祧遠祖廟守用奄女鬼神陰事也

守祧掌守先王先公之廟祧其遺衣服藏焉若將祭祀則各以其服授尸其廟則有司脩除之其祧則守祧黜

聖

聖之既祭則藏其隋

受

與衣服

天子祖廟七遠祖曰祧祧迢也自始祖而下親盡以次遷其主于大廟夾室曰廟祧大禘及禱祀則請而

祀之遺衣服謂祖考生時衣服七廟脩除功多則宗伯有司之事祧室黝堊功省則守祧爲之黝黑色堊白色皆牆屋之飾爾雅地曰黝牆曰堊隋士虞禮作墮尸所祭之米肉墮集豆間者小祝職云沃尸盥簋隋祭畢守祧埋之

世婦每宮卿二人下大夫四人中士八人女府二人女史二人奚十有六人

世婦卽天官世婦之類蓋卿大夫妻不屬內宰之籍者宮六宮卿二人卽卿妻下大夫四人卽下大夫妻中士八人卽中士妻府史卽府史妻奚則所自除女

徒也

按鄭以是職爲奄宦如漢大長秋之類據凡職有文則用奄然凡職用奄則著之此不著奄未有男子以婦人名官者也古奄多罪人亦未有以之爲卿大夫者也鄭誤于二十七世婦之說失解而吳澄氏遂以爲天官世婦譌析削之皆非也

世婦掌女宮之宿戒及祭祀比其具詔王后之禮事帥六宮之人共盥盛相內外宗之禮事大賓客之饗食亦如之大喪比外內命婦之朝奠哭不敬者而苛罰之凡王后有擗拜事於婦人則詔相凡內事有達於外官

者世婦掌之

女宮婦人供宮中之役卽天官女御輩宿戒謂當給役則豫告也比校督也其所濯漑及粢盛之爨王后之禮事薦徹邊豆之事盥盛卽粢盛共爲饎以供也內宗同姓婦女外宗外戚婦女皆有爵者禮事佐后徹邊豆之類王饗食大賓客王后在亦詔禮帥宮人相內外宗同也王喪旣瘞則朝夕哭外卿大夫妻與內卿大夫妻各以尊卑爲位哭比次其位小失則責讓之苛小也褻古拜字后拜拜女賓如喪大記夫人拜寄公夫人于堂上之類凡內事謂六宮內有徵求

等事。世婦傳達蓋此世婦居外便也。

內宗凡婦女之有爵者

內外宗婦人有爵者之稱皆王親黨內宗同姓婦及同姓女未嫁者皆是爵從其夫卿妻爲卿爵大夫士妻爲大夫士爵凡者無常數皆禮事故屬宗伯

內宗掌宗廟之祭祀薦加豆籩及以樂徹則佐傳豆籩賓客之饗食亦如之王后有事則從大喪序哭者哭諸侯亦如之凡卿大夫之喪掌其弔臨

加豆籩謂尸食後王后亞獻所薦豆籩謂之加天官醢人籩人加籩加豆之實是也以樂徹祭畢作樂徹

豆邊佐傳謂后徹與內宗內宗受而傳之有司也王  
后有事則從總上文祭饗言序哭序內外命婦哭位  
哭諸侯同姓諸侯薨及來朝薨于王國者卿大夫居  
外者有喪則王后命外世婦往弔之

外宗凡外女之有爵者

外戚之婦女餘見上

外宗掌宗廟之祭祀佐王后薦玉豆胙豆邊及以樂撤  
亦如之王后以樂羞盥則贊凡王后之獻亦如之王后  
不與則贊宗伯小祭祀掌事賓客之事亦如之大喪則  
敘外內朝莫哭者哭諸侯亦如之

玉豆以玉飾豆。眠豆，邊視其中實也。徹亦視其實。羞，齎薦饎也。獻，獻酒。王后不與祭。大宗伯攝亞獻。外宗亦贊之。如后在也。小祭祀謂宮中五祀之類。

按外宗婦贊宗伯于禮未協。

冢人，下大夫二人，中士四人，府二人，史四人，胥十有二人，徒百有二十人。

冢，墓墳也。山頂曰冢。封土象冢。天子之陵寢，冢人掌之。

冢人掌公墓之地，辨其兆域而為之圖。先王之葬居中以昭穆為左右，凡諸侯居左右，以前，卿大夫士居後，各

以其族凡死於兵者不入兆域凡有功者居前以爵等  
爲丘封之度與其樹數大喪既有日請度南窆續遂爲  
之尸及窆以度爲丘隧共喪之窆器及葬言鸞車象人  
及窆執斧以泣遂入藏凶器正墓位蹕墓城守墓禁凡  
祭墓爲尸凡諸侯及諸臣葬於墓者授之兆爲之蹕均  
其禁

公墓猶言官墓內穴曰兆外垣曰域爲圖畫地形爲  
世守先王謂始爲兆域者其子孫葬各以世次昭穆  
爲左右居先王墓左右諸侯卿大夫皆先王子孫居  
前居左右前列也居後居左右諸侯之後各以其族

各就所出之王爲昭穆左右前後也。死于兵者戰陣不勇非孝故葬不入先域。有功于國者特使居昭穆前列。顯異之。爵高者墳高樹多。爵卑者墳卑樹少。是謂度數。有日定葬期也。請度度葬地也。窆穿穴也。啓土之日卽宿祭墓之尸。而家人遂爲尸也。祭在墓成之後。宿尸在窆穴之始。或啓土初卽有祭。與丘墳也。隧墓前路。以度謂相墳大小。爲隧廣狹。窆器下棺封土之具。碑緯畚鍤之屬。鸞車殉葬塗車。象人殉葬。偶人言詔也。象人鸞車不能自運。詔人爲之執斧。備用也。遂入入壙。藏明器也。正墓位。正丘封之左右前後。

蹕止行人不使入兆域守其封樹禁勿毀傷均其禁均各域禁界也

墓大夫下大夫二人中士八人府二人史四人胥二十人徒二百人

主民間葬地人死如暮曰墓生者思慕亦曰墓民間葬地不封不樹與山陵異故但稱墓

墓大夫掌凡邦墓之地域爲之圖令國民族葬而掌其禁令正其位掌其度數使皆有私地域凡爭墓地者聽其獄訟帥其屬而巡墓厲居其中之室以守之

邦墓民間族葬之地每族爲一圖族百家大司徒職

四閭爲族使之相葬鄉師職族共葬器正其位正各姓昭穆左右前後之位度數以爵尊卑爲墓大小百家各墓地一區曰私地域各有界限遮列曰墓厲各有官舍在中使其徒居守也

按古者民葬官爲置地法至善也後世邪說誣民愚子無知惑于堪輿陰陽暴柩以需吉地良辰數十年不葬甚者屢埋屢擗析祖考骸骨爲子孫徼福如是

可以得福天道爲獎賊子矣墓大夫之法可弗講乎

職喪上士二人中士四人下士八人府二人史四人胥四人徒四十人

主公卿大夫之喪事

職喪掌諸侯之喪及卿大夫士凡有爵者之喪以國之喪禮蒞其禁令序其事凡國有司以王命有事焉則詔贊主人凡其喪祭詔其號治其禮凡公有司之所共職喪令之趣促其事

諸侯王子弟之爲畿內諸侯者卿大夫士王內臣死者皆有王國喪禮王有司以王命往治其喪則職喪詔贊主人禮事號牲號齎號之類公有司諸侯本國臣所當供具者職喪爲督促之

周禮完解卷五終